

Ilinniartitaanermut Aqutsisoqarfik – Misilitsinnernut Allaffik
Postboks 1610 – 3900 Nuuk
Tlf: +299 34 50 00 – e-mail: ILA@nanoq.gl

Alloriarfinni misilitsinnerit
ingerlannissaannut

ilitsersuut

Imai

1. Siulequt.....	3
2. Taajumasat nalinginnaasut	4
3. Akisussaaffik	5
4. Alloriarfinni pisortat ilinniartitsisullu	5
5. Peqataaneq.....	6
6. Najuutinnginneq peqataannginnerlu.....	6
6.1. Napparsimaneq	7
6.2. Immikkut ittumik atuartitaaneq, naammattusaammik atuartitaaneq il.il.....	7
6.3. Inortuineq	7
6.4. Atuartut nunanit allaneersut	7
6.5. Atuartut atuarfimmi allamiikkallartut	8
6.6. Atuartut angerlarsimaffimmini atuartitaasut il.il.....	8
6.7. Pissutsit allat.....	8
7. Ikiuutit aqqissuussinerillu.....	9
Ilanngussaq 1: Atuarfiup eqqaamasassai	10
Ilanngussaq 2: Atuarfiup pisortaata eqqaamasassai.....	13
Ilanngussaq 3: Ilinniartitsisumut ilitsersuut	15

1. Siulequt

Ilitsersuut uku Alloriarfinni Misilitsinnerit atuarfinni ingerlannissaannut paasissutissanik imaqarpoq.

Atuartut tamarmik alloriarfinni misilitsinnerni assigiissumik pineqarnissaat pingaartuuvoq. Taamaattumik misilitsinnerit atuarfinni tamani sapinngisamik assigiissumik ingerlanneqartariaqarnerat eqqarsaatigalugu ilitsersuutit ukua suliaapput. Atuarfiit taakkualu pisortaasa eqqaamasassaasa allassimaffii kiisalu ilinniartitsisunut ilitsersuut naqitap uuma naanerani ilassutiniipput.

Alloriarfinni misilitsinnerni anguniagaavoq:

- ✓ alloriarfiup naammassinerani ilikkagassatut anguniagassat ilaannik toqqakkanik atu-
artup qanoq angusaqarsimatigineranik uppersaasiinissaq.

Uppersaasiineq taanna ukununga atorpeqassaaq:

- ✓ alloriarfiup naammassinerani atuarfiup atuatumut ataatsimoortumik nalilersuinerani
tunngavigisat ilaattut, kiisalu
- ✓ atuartup atuarnermi ingerlariaqqinnissaanut pilersaarusernermi.

Alloriarfinni misilitsinnerit atuartsissutini soraarummeerutaanngillat. Taamaammat alloriarfinni misilitsinnerni censoreqartoqarneq ajorpoq angusallu karakteriliiffiqineqarneq ajorlutik. Atuartup misilitsinnermi angusai alloriarfimmuut tullermut ingerlaqqinnissaanut aamma piunasaqaataanngillat. Alloriarfinni misilitsinnerit tassaapput atuartup tunngaviusutigut ilisimasaanik, piginnaasaanik atuarnermi ineriartorneranik piffissami aalajangersumi nalilinnerit uuttortaanerillu.

Ulluinnarni atuartsinnermi ingerlaavartumik naliliisarneq, 3. klassimi atuartup nammineq suliaminik saqqummiussera 7. klassimilu aalajangersimasumik sammisaqarluni suliaa taassuminngalu saqqummiussera alloriarfinni misilitsinnerni naliliisarnertulli pingaartigipput. Taamaattumik alloriarfinni misilitsinnerni atuartut angusaat kisimiitillugit atorpeqassanngillat. Atuartumut nalunaarummik iliuusissatullu pilersaarummik suliaqaraangavit 3. klassimi atuartup nammineq suliaminik saqqummiussaa 7. klassimilu aalajangersimasumik sammisaqarluni suliaa, minnerunngitsumillu ulluinnarni atuartsinnernit paasisatit alloriarfinni misilitsinnermi angusanut ilanngullugit nalilersuisarit, taakkualu atorlugit atuartoq atuarnermi ingerlariaqqinnissaanut sapinngisamik pitsaasumik atugassaqartiguk tunngavissillugulu.

Atuartut angusaat ukiumiit ukiumut sanilliunneqarsinnaassammata misiliutit assigiit atugaa-sarput. Suliassat 10%-ii angullugit ukiumiit ukiumut taarserneqarlutilluunniit allanngortinneqarsinnaapput, misiliutip tamarmiusup sapernassusaa allanngortinngik-kaluarlugu.

Naatsorsuut/Retteark ilitsersuutitaalu, atuarfiit ilinniartitsisullu atuartut misilitsinnermi suli-aannik misissuinerminni atorsinnaasaat, marts qaammat mail aqutigalugu atuarfiup pisortaanut nassiunneqassaaq. Naatsorsuut/Retteark didaktikkimi misissuinermut aamma atorpeqarsinnaavoq, ulluinnarni atuartsinnermut iluaqutaasinnaasumik.

Nunatsinni Naatsorsueqqissaartarfiup alloriarfinni misilitsinnerni angusat pisortatigoortut oktoberip aallartinnerani saqqummiuttarpai. Tassani nuna tamakkerlugu angusat, kiisalu illit atuarfimmi suliffigisanni kommuuninilu angusat pissarsiarisinnaavatit.

Nalornisaqaruut imaluunniit annertunerusumik paasisaqarusukkuut atuarfiup pisortaanut aamma/imlt. Ilinniartitaanermut Aqutsisoqarfiup Misilitsinnernut allaffianut saaffiginnis-sinnaavutit. Alloriarfinni misilitsinnernut tunngatillugu maalaaruteqartoqassappat pineqar-tut pillugit aamma taakkua saaffigisinnaavatit.

2. Taajumasat nalinginnaasut

Pisortat atuarfiini 3. aamma 7. klassimi atuartut tamarmik alloriarfinni misilitsinnerni peqataassapput. Malitassaq taanna sanioqqunneqassappat piunasaqaatit immikkoortuni 6.2-mi aamma 6.4-mi allassimasut atuarneqarsinnaapput.

Atuarfiit namminersortut namminneq kissaatigigunikku imlt. kommunip aamma/imlt. Qitiusumit atuarfeqarneq pillugu oqartussat kissaatigippassuk alloriarfinni misilitsinnerni peqataasinnaapput. Atuarfiit namminersortut alloriarfinni misilitsinnerni peqataassagunik pisortat atuarfiinut aalajangersakkat najoqqutassallu malissavaat.

Alloriarfinni misiliutissat taakkualu inernerit atuarfiup allaffiani isumannaatsumik paarineqassapput, tassanilu paasisutissat pisariaqartut naqitat saqqaanniittut immersorneqarlutik.

Atuarfiup pisortaata akisussaaffigaa, alloriarfinni misiliutissat taakkualu inernerit misilitsinneq sioqqullugu atuartunut tunniunneqaratillu taakkunanga atorneqannginnissaat. Taamatuttaaq misilitsinneq sioqqullugu kopeerneqarsinnaanngillat agguateriarlugillu sungiusaatigineqarsinnaanatik. Naatsorsuut/Retteark misilitsinnissaq sioqqullugu ilinniartitsisunut tunniunneqarsinnaavoq, taakkua qanoq atornissaat siumoortumik ilisimasammassuk.

Atuartut assigiinngitsunik piginnaasallit eqqarsaatigalugit alloriarfinni misiliutini suliassat ilaat oqitsuupput ilaallu artornartuullutik. *Naatsorsuutigineqanngilaq atuartut tamarmik suliassiissutaasut tamaasa sularissagaat. Atuartut kaammattorneqassapput misilitsinnermi sapinngisaminnik sulinaqqullugit, suliassallu sapinngisartik naapertorlugu naammassiniaqqullugit. Akissutit kukkusut suliassalluunniit sularineqanngitsut paasisutissaapput atuarfimmut, ilinniartitsisumut minnerunngitsumillu atuartumut namminermut pingaaruteqartut, tassami alloriarfiup naammassinerani atuartumut nalunaarutip kiisalu atuarnermini ingerlariqqinnissaata angusassaliorluni pilersarusiorneqarnerani taakkua nalilersukkanut ilaatinneqartussaammata.*

Inernerit allassimaffii ilikkagassatut anguniagassanik, atuartitsissutini ataasiakkaani misilitsiffiusunik, imaqarput.

Napparsimasoqartillugu allatulluunniit misilitsinnerni peqataasoqanngippat atuarfiit kajumissaarneqarput soorlu sap. ak. 22-imi, imlt. 23-imi, immikkut ittumik alloriarfinni misilitsinnernik ingerlatseqqullugit, atuartut siullermeernermi peqataanngitsut misilitsinnissamut imlt. 3. klassimi namminneq suliameinnik 7. klassimilu aalajangersimasumik sammisaqarlutik suliameinnik saqqummiussinissaminnut periarfissaqassammata.

3. klassimi 7. klassimilu alloriarfinni misilitsinnernut ukiumut pilersaarut paasissutissallu allat nutartikkat nittartakkami uaniipput: www.iserasuaat.gl

Nittartakkamit tassannga aasinnaavatit naqitaq paasissutissiissut “Alloriarfiit naammassinerini ataatsimoortumik nalilersuineq”, “Alloriarfinni misilitsinnerit ingerlannissaannut ilitersuutit”, “Atuartunik nalunaarsuiffiit” kiisalu 3. klassimi 7. klassimilu “Sungiusaatit”.

Ilitsersuutit ukua naaneranni nassaarisinnaavatit:

- ✓ *Atuarfiup eqqaamasassai*
- ✓ *Atuarfiup pisortaata eqqaamasassai*
- ✓ *Ilinniartitsisumut ilitersuut.*

3. Akisussaaffik

Atuarfiup pisortaata alloriarfinni misilitsinnerit atuarfik pillugu Inatsisartut inatsisaat atuuttoq aamma naliliisarneq uppersaasiisernerlu pillugit nalunaarut nr. 2, 9. januar 2009-meersoq ilitersuutillu ukua naapertorlugit ingerlanneqarnissaat akisussaaffigaa. Ilitsersuutit uku alloriarfinni misilitsinnerit qanoq ingerlanneqarnissaat pillugu paasissutissanik ilitersuutinillu sukumiinerusunik imaqrput.

Atuarfiup pisortaata alloriarfiit pisortaata, ilinniartitsisut, atuartut angajoqqaallu alloriarfinni misilitsinnerit, taakkua siunertaat qanorlu atuarfimmi ingerlanneqarnissaat pillugit piffissaalluartillugu paasissutissavai. Naqitat “Alloriarfiit naammassinerini ataatsimoortumik nalilersuineq” kiisalu “Alloriarfinni misilitsinnerit ingerlannissaannut ilitersuutit” imaat atuarfiullu pilersaarutai paasissutissiis-sutigineqassapput. 3. aamma 7. klassimi “Sungiusaatit” taakkununga ilanngullugit aamma tunniunneqarsinnaapput.

Atuarfiup pisortaata misilitsinnerup kingunitsiannua atuartut ataasiakkaat, taamatullu ilinniartitsisut allat angajoqqaallu, misilitsinnermi angusaannik ilisimatinnissaat isumagissavaa. Ilinniartitsisut 4. klassinngortussanik 8. klassinngortussanillu tiguisussat atuartut 3. klassimi 7. klassimilu alloriarfinni misilitsikkamik angusaannik ilisimatin-neqarnissaat aamma isumagineqassaaq.

Atuartitsissutini ataasiakkaani ilinniartitsisut atuartut misilitsikkamik angusaannik peqatigalugit misissuereerpata atuartitsinissaminnullu pilersaarusioreerpata atuarfiup pisortaata atuartut suliaat, inernerit allattorsimaffii misilitsinnermilu atugassiat atorineqangitsut **kingusinnerpaamik 1. maajimi** Ilinniartitaanermut Aqutsisoqarfimmut **tammatsaaliukkatut** nassiunneqarnissaat isumagissavaa.

4. Alloriarfinni pisortat ilinniartitsisullu

Alloriarfinni pisortat atuartitsissutinilu ilinniartitsisut alloriarfinni misilitsinnissat pillugit atuarfiup pisortaata ilisimatitsissutai atuartunut angajoqqaanullu piffissaalluartillugu ilisimatitsissutigissavaat, taakkua misilitsinnissaq pillugu naammaginatsumik pitsaasumillu paasissutissinneqassammata.

Atuartitsissummi misilitsiffiusumi ilinniartitsisup misilitsinneq naammassiinnartoq atuartut suliaat inernernik allattuiffiit (facitlistet) Naatsorsuullu nassiunneqartut atorlugit misissussavai. Naatsorsuutip atuartup misilitsiffigisamini inerniliillaqqissusaa akissutaasalu ilikkagasatut anguniagassanut taakkualu immikkoortuinut agguarneri automatiskimik naatsorsortarpai. Ilinniartitsisoq Naatsorsuut atorlugu didaktikkimi misissugassanik aamma suliaqarsinnaavoq.

Ilinniartitsisup atuartut suliaannik misissuereeruni atuartuutini, ilinniartitsisoqatini angajoqqaallu misilitsinnermi naammassisaannik angusaannillu ilisimatissavai. Paasissutissat taakkua ilinniartitsisup alloriarfiup naammassinerani atuartumik ataatsimoortumik naliliinermini, nalunaarusiornermini kiisalu atuartup atuarnernini ingerlariaqqinnissaata pilersaarusiornerani atorsinnaavai, paasissutissanik ulluinnarni atuartitsinnermit, ingerlaavartumik naliliinermit, atuartup 3. klassimi suliaminik 7. klassimilu aalajangersimasumik sammisaqarluni suliaminik saqqummiussineranit pisunik ilallugit. Ataatsimoortumik pilersaarusiortoqareerpat iliuusissatut pilersaarut suliarineqassaaq.

5. Peqataaneq

Atuartut tamarmik alloriarfimmi misilitsinnerni peqataanissaat qulakkeerumallugu atuarfiup 3. aamma 7. klassimi atuartut tamaasa Tabulex TEA-mi ukiup atuarfiusup aallartinnerani nalunaarsoriissavai. Tabulex TEA ukiup atuarfiusup ingerlanerani atuartut atuarunnaartut atualersullu nalunaarsornerini nutarterneqartassaaq. alloriarfinni misilitsinnernut tunngatillugu atuartut nalunaarsugaanerit nutartigaq kingusinnerpaamik 1. marts naammassereerneqartussaavoq. Atuarfiup Tabulex TEA piginngippagu atuarfiup pisortaata kommunimi atuarfimmut ingerlatsivik atuartunik Tabulex TEA-mi nalunaarsuinissamut qinnuigissavaa.

Atuartunik Tabulex TEA-mi nalunaarsuineq pissaaq, atuartut ataasiakkaat alloriarfimmi misilitsinnermi peqataannginnissaannik naliliineq *sioqqullugu*. Atuartoq napparsimanini allamiluunniit peqquteqarluni peqataanngippat, tamanna atuarfiup atuartunik nalunaarsuiffimmi allassavaa, allattuiffillu taanna atuartut suliaat Ilinniartitaanermut Aqutsisoqarfimmut nassiunneqalerpata ilanngunneqassaaq peqataannginnermut najuutinnginnermulluunniit peqqutaasooq paasissutissiissutigalugu. Taamatut iliorneq annertuumik isumaqarpoq, alloriarfinni misilitsinnerni peqataanngitsut procentinngortinnerisa kisinnerat tutsuiginartoq pingaaruteqartuummat.

3. aamma 7. klassimi atuartunik nalunaarsuiffik misilitsissutissanut ilanngullugu aamma nassiunneqarpoq. Atuartunik nalunaarsuiffik nittartakkamit uannga aamma aaneqarsinnaavoq: www.iserasuaat.gl

Peqataannginnissamut piumasaaqatit immikkoortuni 6.2-mi aamma 6.4-mi atuarneqarsinnaapput.

6. Najuutinnginneq peqataannginnerlu

Peqataanngitsoornermut misilitsinnginnissamullu akuerineqarnissamut piumasaaqatit, immikkoortuni tullerni eqqartorneqartut, atuarfiit tamarmik malissavaat.

6.1. Napparsimaneq

Atuartoq napparsimanini peqputigalugu alloriarfimmi misilitsinngikkuni, sapinngisaq naapertorlugi periarfissaq siulleg ukiorlu atuarfiusoq naatinnagu misilitsissaaq.

Atuartup ullormi immikkut misilitsiffissatut toqqakkami misilitsinnissaa atuarfiup isumagissavaa. Ilinniartitsisup atuartup suliai misissoreerpagit Ilinniartitaanermut Aqutsisoqarfimmut **tammatsaaliukkatut** nassiunneqassapput.

6.2. Immikkut ittumik atuartitaaneq, naammattusaammik atuartitaaneq il.il.

Atuarfiup pisortaata atuartup ilinniartitsisuinit siunnersorneqarluni siumullu atuartup angajoqqaavi oqaloqatigereerlugit atuartup atuartitsissummi atuartitsissutiniluunniit qanitariis-suni ataatsimi arlalinniluunniit immikkut ittumik atuartitaasup imaluunniit naammattusaammik atuartitaasup alloriarfimmi misilitsinnerni peqataannginnissaa aalajangersinnaavaa.

Atuarfiup atuartup alloriarfimmi misilitsinnginnissaa aalajangerpagu, atuarfiup pisortaata atuartup atuartitsissummi atuartitsissutiniluunniit qanitariissuni pineqartuni nammineerluni suliaminik saqqummiussinissaa piumasaaqatigisinnaavaa.

Atuartup alloriarfimmi misilitsinnginnissaa nalilersorluarneqassaaq, nalilersuinerlu allaganngorlugi pigineqassaaq tunngavilersugaalluni, atuartullu mappe-anut ilineqassalluni.

6.3. Inortuineq

Atuartoq alloriarfimmi misilitsinnermut inortuippat inortuinalu ima sivikitsigippat misilitsinnissaa pillugu ilitersuutit pisariaqartut atuaqatini peqatigalugit pissarsiarisnaallugit, atuarfiup pisortaata atuartup misilitseqataanissaa akuerisinnaavaa.

Atuartoq sivilisunerusumik inortuippat sapinngisaq naapertorlugi periarfissaq siulleg ukiorlu atuarfiusoq naatinnagu misilitsissaaq.

Atuarfiup atuartup sap. ak. 22-mi imlt. 23-imi immikkut ittumik alloriarfinni misilitsitsisoqarnerani ilaanissaa atuartullu akissutaasa atuartitsissummi ilinniartitsisumit misissorneqarnissaat isumagissavaa. Atuartup suliai misissorneqareerpata Ilinniartitaanermut Aqutsisoqarfimmut **tammatsaaliukkatut** nassiunneqassapput.

6.4. Atuartut nunanit allaneersut

Atuarfiup pisortaa atuartup ilinniartitsisuinit siunnersorneqarluni siumullu atuartup angajoqqaavi oqaloqatigereerlugit nukarlerni akullerniluunniit atuartup nunanit allanit, Danmarkimit Savalimmiuniilluunniit Kalaallit Nunaannut nuussimasup, alloriarfimmi misilitsinnginnissaanik aalajangiisnaavoq, atuartoq misilitsinnissaa sioqqullugu minnerpaamik ukiuni atuarfiusuni marlunni alloriarfimmi tassani atuarsimangippat.

Atuarfiup atuartup misilitsinnginnissaa aalajangerpagu atuarfiup pisortaata atuartup atuartitsissummi atuartitsissutiniluunniit qanitariissuni pineqartuni nammineerluni suliaminik saq-

qummiussinissaa piumasaqaatigisinnaavaa. Atuartup nammineq suliaminik saqqummiussinera piffissami immikkut misilitsiffiusumi, sap. ak. 22-mi imlt. 23-mi, atuartut nalinginnaasumik misilitsinngitsut misilitsiffigisinnaasaanni, ingerlanneqarsinnaavoq.

Atuartup alloriarfimmi misilitsinnginnissaa nalilersorluarneqassaaq, nalilersuinerlu allaganngorlugu pigineqassaaq tunngavilersugaalluni, atuartullu mappe-anut ilineqassalluni.

6.5. Atuartut atuarfimmi allamiikkallartut

Alloriarfinni misilitsinnerit ingerlanneqarnerini atuartoq atuarfimmi allami atuarallaruni, atuarfimmi tassani misilitsissaaq. Atuarfiup atuarfigingallagaata atuartup misilitsinnermi akisutai Ilinniartitaanermut Aqutsisoqarfimmut nassiutissavai, atuarfimmit suminngaaneerana ilisimatitsissutigalugu.

Ilinniartitaanermut Aqutsisoqarfiup atuartoq atuarfivianut nalunaarsussavaa.

6.6. Atuartut angerlarsimaffimmini atuartitaasut il.il.

Atuarfinnik ingerlatsiviit atuarfiillu angerlarsimaffinni atuartuuteqartut, soorlu savaateqarfinni atuartut, atuartut taakkua piumasaqaatit malillugit misilitsinnissaat isumagissavaat.

Alloriarfinni misilitsinnerni peqataanngitsoortoqarsinnaavoq naliliisarneq pillugu nalunaarummi aalajangersakkat aammalu najoqqutassani ukunani immikkoortut 6.2 aamma 6.4 malillugit.

6.7. Pissutsit allat

- a) Atuartoq allamik peqquteqarluni, soorlu *sila ilaqutariinnermiluunniit pissutsit* patsigalugit, alloriarfimmi misilitsissinnaanngikkuni, sapinngisaq naapertorlugu periarfissaq siulleg ukiorlu atuarfiusoq naatinnagu misilitsissaaq. Ilinniartitsisup atuartup suliai misissoreerpagit Ilinniartitaanermut Aqutsisoqarfimmut **tammatsaaliukkatut** nassiunneqassapput.
- b) Alloriarfinni misilitsinnernut *takkutinngitsoortoqarpat* atuarfiup misissussavaa, soq atuartoq atuartitsissummi ataatsimi arlalinniluunniit misilitsinnernut takkutinningsoq. Atuarfiup nalilerpagu, atuartup peqataannginnissamut piumasaqaatit naammassinngikkai, taava atuarfiup aalajangissavaa atuartoq ukiup atuartitsiviusup naannginnerani misilitsilluniluunniit nammineq suliaminik / aalajangersumik sammisaqarluni suliamik saqqummiussissasoq. Atuartup ilinniartitsisuinit siunnersorneqarluni siumullu atuartup angajoqqaavi oqaloqatigereerlugit atuarfiup pisortaata tamanna aalajangersinnaavaa. Nalornisoornermi Ilinniartitaanermik Aqutsisoqarfik attavigineqassaaq.
- c) Atuartoq qularutissaanngilluinnartumik unioqqutitsilluni alloriarfimmi misilitsinnermi *ikiortissimappat*, atuartup misilitsinnermi suliaa atortussaatinneqassanngilaq. Atuartup sapinngisaq naapertorlugu periarfissaq siulleg ukiorlu atuarfiusoq naatinnagu misilitsinnissaa atuartullu akissutaasa atuartitsissummi ilinniartitsisuanit misissorneqarnissaat piaartumillu **tammatsaaliukkatut** Ilinniartitaanermut Aqutsisoqarfimmut nassiunneqarnissaat atuarfiup isumagissavaa.

7. Ikiuutit aaqqissuussinerillu

Alloriarfinni misilitsinnerni ikiuutit atoqqusaanngillat, soorlu atuakkat ilinniutit, ordbogit, atuakkat paasissutissanik ujarlerfissiat, kisitsissuteeraq, titartaat, qarasaasiaq, allattukkat il.il.

Atuartoq misilitsinnermi aqerluusamik piiammillu atugaqassaaq. Matematikkimi atuartoq pappialamik akissuteqarniarluni naatsorsorallakkaminut allattuiffigisassaminik aamma peqassaaq.

Misilitsinnermi atuartut tamarmik immikkut nerrireqassapput. Tamanna ajornarpat atuarfiup alloriarfinni misilitsinnerit ingerlatissavai, atuartut misilitsinnermi nalaani imminnut ikior-sinnaatinnagit.

Atuarfiup atuartut immikkut pisariaqartitsisut immikkut aaqqissuussiffigisinnaavai. Immikkut aaqqissuussinerup atuartup akissutaa sunniuteqarfigissanngilaa.

Ilanngussaq 1: Atuarfiup eqqaamasassai

Misilitsinnerit sioqqullugit piffissaalluartillugu

- Atuarfiup kikkut attuumassutillit alloriarfinni misilitsinnernik, taakkua siunertaannik atuarfiullu misilitsinnissamut pilersaarutaanik passissutississavai.
- Ilinniartitsisut atuartullu alloriarfinni misilitsinnissat piffissaalluartillugu piareersarfigissavaat. “*Alloriarfiit naammassinerini ataatsimoortumik nalilersuineq*”, “*alloriarfinni misilitsinnerit ingerlannissaannut ilitsersuuti*” kiisalu 3. klassimi 7. klassimilu *Sungiusaatit* matumani atorneqarsinnaapput. Sungiusaatit www.iserasuaat.gl-imit aaneqarsinnaapput. Naatsorsuut/Retteark aamma ilinniartitsisunut tunniunneqarsinnaavoq, piareersarnerminnut ilagitillugu atorsinnaagamikku qanorlu atornissaa ilisimassagamikku.
- Atuartup suliassaasa saqqaat imatut immersorneqassaaq:
 - Atuarfiup allassavai: Atuarfiup normua, atuartup aqqa, inuup normua klassialu.
 - Misilitsinnerup aallartilernerani atuartup angerlarsimaffimmini oqaatsinik sorlernik atuinini nalunaassavaa. *Matumani erseqqissarneqassaaq atuartoq angerlarsimaffimmini oqaatsiminik toqqaanermiut sisamanik periarfissaqarmat, eqqornerusumik akissuteqarnissani periarfissaqarfigalugu. Ilinniartitsisup atuartoq angerlarsimaffimmini oqaatsiminik toqqaaniarnerani ikiussavaa. Misilitsinnissarli sioqqullugu atuartitsissummi ilinniartitsisup atuartup angerlarsimaffimmini oqaasii aamma nalunaarsoreersinnaavai.*
- Alloriarfinni misilitsinnerit aallartilernerini atuarfiup pisortaata atuartut suliassaat ilinniartitsisumut misilitsinnermik ingerlatsisussamut tunniutissavai.
- Misilitsinneq aallartippat init misilitsiffiusut misilitsinnissamut torersagaareerlutillu piareersimassapput.
- Perusuersartarfiliarnerit misilitsinnerit sioqqullugit naammassereersimassapput.

Misilitsinnerit ingerlanerini

- Misilitsinnerit piffissaq pilersaarutaasoq malillugu aallartissapput 45 minutsillu qaangiuppata unitsinneqassallutik.
- Ilinniartitsisup/-sut inip misilitsiffiusup eqqissisimanartuunissaa torersuunissaalu isumagissavaa/-vaat.
- Misilitsinneq tamakkerluni 55 minutsinik sivisussuseqarpoq. 10 minutsit siulliit ingerlanerini atuartut inissaminnukassapput, atuartut suliassaat, aqerluusat, piiaatit matematikkimilu pappiala allattuiffissaq agguanneqassapput atuartullu ilitsersuunneqarlutik.
- Atuartut misilitsinnerup nalaani ilisimasassanik misilitsissutaasunik ilinniartitsisumit atuaqatiminilluunniit ikiorneqarsinnaanngillat.

- Atuartoq isumaqaruni akissutini kukkusoq, taava akissut kukkusoq titassavaa akissullu eqqortuutitani nalunaarlugu. Akissut eqqortoq sorliunersoq ersarissuussaaq.
- Misilitsinnerup naalernerani 5 minutsit sinnerunnerat atuartunut ilisimatitsissutaasaaq.
- Atuartut piffissaq sioqqullugu naammassisut inigisaminniiginnassapput. Suliatik uterfigisinnaavaat misissoqqillugillu imaluunniit sammisassaq suliassat qupperneranni kingullermiittoq suliarisinnaavaat. Sammisassaq taanna misilitsissutaangilaq, atuartullu suliaanik naliliinermi ilanngunneqartussaani.

Matematikkimi suliassamik taamaattumik peqanngimmat ilinniartitsisoq atuartunut naammassiaartunut misilitsissutaanngitsumik suliassiissuteqarsinnaavoq.

- Napparsimanermik assigisaanilluunniit pisoqarpat atuartup ini misilitsiffik qimassinnaavaa. Taamatut pisoqarnerani suna patsisaanersoq atuartunut nalunaarsuiffimmi allanneqassaaq. Atuartup kingusinnerusukkut ukiullu atuarfiusup naannginnerani misilitseqqinnissaa isumagineqassaaq.

Misilitsinnerit kingorna

- Atuarfiup inernerit allattorsimaffii ilinniartitsisumut misilitsitsisumut tunniutissavai.
- Atuartut akissutaat tamaasa katersorneqassapput piaartumillu ilinniartitsisumit misilitsitsisumit inernerit allattorsimaffiat /facitliste atorlugu misissorneqassallutik. Ilinniartitsisup Naatsorsuut atuartut akissutaasa ikkussuunnerinut atuartullu ataasiakkaat angusaasa naatsorsorallarnerinut kiisalu didaktikkimi misissuinnerut atorsinnaavaa.
- Atuartitsissummi ilinniartitsisup atuartut angajoqqaallu kiisalu klassimi ilinniartitsisut atuartup misilitsinnermini angusaanik ilisimatissavai, angusat ilinniakkatigut qanoq angusaqarfiunerinik nalilersuinerminik kiisalu atuartup atuarnermini qanoq ingerlari-aqqinnissaa eqqarsaatigalugu qanoq iliuuseqartoqarnissaanik siunnersuutinik ilaqartilugit.
- Ilinniartitsisup atuartullu misilitsinnerup nalaani misigisatik eqqarsaatitillu aamma oqaloqatigiissutigissagaat inassutiginarpoq.
- Atuartup misilitsinnermini naammassisai angusaalu alloriarfiup naammassinerani ataatsimoortumik nalilersuinermin, nalunaarusiornermi iliuusissatullu pilersaarummik suliaqarnermi atorneqassapput, tassunga ilanngullugit ulluinnarni atuartitsinermin, ingerlaavartumik naliliinermi, atuartup nammineq suliaminik saqqummiussinerani angusaanik / aalajangersimasumik sammisaqarluni sulinermini angusaanik ilaqartillugit.
- Atuarfiup ilinniartitsisut 4. klassinngortussanik tiguisussat atuartut ataasiakkaat 3. klassimi alloriarfinni misilitsikkamik angusaannik ilisimatinneqarnissaat isumagissavaa. Tamanna aamma pissaaq 7. klassimeertut 8. klassimi atualertussanut.
- Alloriarfinni misilitsinnerni atuartut angusaat atuarfiup atuartitsinerup ineriartortinnissaanik suliniuteqarnermini atorsinnaavai.

- Ilinniartitsisut atuartut akissutaannik misissuereerpata uninngatinnagit atuartut akissutaat tamaasa, inernerit allattorsimaffii misilitsitsissutillu atorneqanngitsut ilann-gullugit Ilinniartitaanermut Aqutsisoqarfimmut / Misilitsinnernut Allaffimmut **tam-matsaaliukkatut** nassiunneqassapput.

Ilanngussaq 2: Atuarfiup pisortaata eqqaamasassai

Misilitsinneq sioqqullugu:

- ✓ Alloriarfinni misilitsinnerit piffissaalluartillugu ilisimatitsissutigikkit, *Alloriarfinni misilitsinnerit siunertaat atuarfiullu pilersaarutai* ilinniartitsisut, atuartut angajoqqaallu illit atuarfimmi pisortaaffigisanni qanoq ingerlanneqarnissaat ilisimalluarniassammassuk.

Naqitaq tungujortoq “*Alloriarfiit naammassinerini ataatsimoortumik nalilersuineq*”, “*alloriarfinni misilitsinnerit ingerlannissaannut ilitsersuutit*” kiisalu 3. aamma 7. klassimi *Sungiusaatit* matumani atorsinnaavatit, nittartakkamit uannga aasinnaasatit: www.iserasuaat.gl. Aamma Naatsorsuut/Retteark ilitsersuutitai ilanngullugit ilinniartitsisunut tunniussinnaavatit, piareersarnerminni atorsinnaassammassuk qanorlu atornissaa sungiusarlugu.

- ✓ Alloriarfimmi misilitsittussat amerlassusaat Ilinniartitaanermut Aqutsisoqarfimmut novembarimi nalunaarutigissavatit.
- ✓ Alloriarfinni misilitsinnerni atortussat tamarmik tiguneqarsimanersut imarisaalu misisukkit. Taamatullu misilitsinnissat sioqqullugit, ingerlannerini naammassereernerinilu isumannaatumik paarinissaat isumagikkit.
- ✓ Misilitsissutissat saqqaasa atuarfiup normuanik, atuartut aqqinik, inuup normuinik, klassinik atuartullu angerlarsimaffimminni oqaasiinik eqqortumik immersorsimanissaat isumagiuk.
- ✓ Atuartut tamarmik Tabulex TEA-mi nalunaarsorsimanissaat allatulluunniit alloriarfinni misilitsinnernut peqataanissaannik nalunaarsorsimanissaat isumagiuk.
- ✓ Atuartut immikku ittumik atuartitaasut naammattusaammilluunniit atuartitaasut il.il. najoqqutassat piunasaqaatillu malillugit peqataannginnissaat nalilersoruk isumagalugulu, ukunani ilitsersuutini immikkoortut 6.2 aamma 6.4 takukkit.
- ✓ Ini piffissarlu alloriarfinni misilitsinnernut atorneqartussat isumagikkit.
- ✓ Atuartut alloriarfinni nalinginnaasumik misilitsinnerni peqataanngitsut ulloq immikku misilitsiffigisinnaasaat nalilersorlugulu pilersaaruseruk, soorlu sap. ak. 22-mi 23-milluunniit.
- ✓ Atuartunik ataasiakkaanik misilitsinnermi immikku pisariaqartitsisoqarnerisok misis-soruk taakkualu pitsaasumik qanoq misilitsinneqarsinnaaneri nalilersorlugulu.
- ✓ Alloriarfinni misilitsinnerit pillugit paasisutissat kingulliit nittartakkami www.iserasuaat.gl -mi pissarsiarisinnaavatit.

Misilitsinnerup nalaani:

- ✓ Ilinniartitsisut misilitsitsisut siunnorsorlugillu ikiukkit.

Misilitsinnerup kingorna:

- ✓ Alloriarfinni misilitsinnerit naammassiinnartut atuartut misilitsinnerminni suliaasa ilinniartitsisuinit misilitsitsisunit misissorneqarnissaat aammalu atuartut, ilinniartitsisuisa sinnerisa angajoqqaavisalu atuartut misilitsinnerminni angusaannik ilisimatinneqar-nissaat isumagiuk.
- ✓ Atuartut misilitsinnernut takkutinngitsoortut ukiup atuarfiusup naannginnerani misilitsinnissaat namminerluunniit suliaminnik / aalajangersumik sammisaqalutik sulia-minnik saqqummiussinissaat isumagiuk, tak. najoqqutassani ukunani immikkoortoq 6.
- ✓ Atuartut peqataanngitsoornissaminnut akuerisaasut malinnaaviginissaat sumillu patsiseqarlutik peqataannginnerinut paasissutissamik ilaqartillugit nalunaarsornissaat isumagiuk.
- ✓ Atuartitsissummi ilinniartitsisup atuartut suliaat misissoreerpagit uninngatinngit kingusinnerpaamillu 1. maajimi Ilinniartitaanermut Aqutsisoqarfimmut **tammatsaaliuk-katut allakkerivikkut** nassiunneqassapput.
- ✓ Atuartut alloriarfinni misilitsinnerni angusaat, ingerlaavartumik naliliinerit, 3. klassimi atuartup nammineq suliaminik saqqummiussineranit 7. klassimilu aalajangersumik sammisaqarluni suliaqarneranit paasissutissanik ilallugit, atuarfiup ineriartortitsinerani ator-sinnaavatit.
- ✓ Ilinniartitsisut 4. klassinngortussanik tiguisussat atuartut ataasiakkaat 3. klassimi alloriarfinni misilitsikkamik angusaannik ilisimatinneqarnissaat isumagiuk. Taamatut aamma 7. klassimit 8. klassimut ikaarsaariartut ilisimatitsissutigineqarnissaat isumagissavat.
- ✓ Alloriarfinni misilitsinnernut maalaarutaasinnaasut suliarikkit, pisariaqarpat Ilinniartitaanermut Aqutsisoqarfik peqatigalugu.

Ilanngussaq 3: Ilinniartitsisumut ilitsersuut

Atuarfiup pisortaa alloriarfimmilu pisortaq peqatigalugit misilitsinnissat pillugit paasissutisat pissarsiaraatit, atuarfiup misilitsinnissamut pilersaarutai misilitsinnermilu siunertat qanorlu ingerlanneqarnissaat paasereersimallugit. Atuarfiup pisortaaalu isumaqatigiissaasi misilitsinnissaq sioqqullugu misilitsissutissat saqqaanni atuarfiup normuanik, atuartup aqqanik, inuup normuanik klassianillu immersugassat eqqortumik immersorneqarnissaat kiap isumagissaneraa. Atuartut peqatigalugit angerlarsimaffimmini oqaasii aamma immer-sussavatit.

Misilitsinnissaq sioqqullugu piffissaalluartillugu atuartut misilitsinnissat siunertaannik qanorlu ingerlanneqarnissaannik sukumiisumik eqqortumillu ilisimatikkik. Atuartunut ilitsersuut matuma kingulianiittoq ilisimatitsissutigissavat, atuartut qanoq ingerlatsinissaq paasilluarniassammassuk. Taamatullu 3. aamma 7. klassimi Sungiusaatit eqqartussavasi, atuartut apeqqutini ataasiakkaani qanoq akissuteqartarnissartik ilisimalluarniasammassuk. Atuartut aamma ilisimatissavatit misilitsinneq naammassippat suliaat misissoreerukkit qanoq angusaqarnerinik ilisimatikkumaarlugit.

Misilitsinnermi 10 minutsit siulliit ingerlanerini atuartunut ilitsersuutit misiliutissani qupperneq 3-miittut ilisimatitsissutigeqqissavatit. Atuartut misiliutissat qupperneranni 3-mi malinnaassapput ilitsersuinerillu malinnaavigalugu. Ilitsersuutit A-mit E-mut atuartunut ilitsersuutigeqqikkik. Taamatut pereeruit minutsini tulluuttuni 45-ni misilitsinneq ingerlatissavat.

Ilitsersuutit ukua 3. aamma 7. klassimi atuartitsissutini tamani atorneqarsinnaapput. Atuartut amerlassusiinut oqaasertai tulluarsarneqarsinnaapput.

Atuartsissummi misilitsinnerup aallartilernerani	
Ilinniartitsisup oqaasissai:	Nassuiaatit:
1. "Inissassinnut ingeriarlusi."	Atuartut inissaminnut ingippata misilitsissutissat, aqerluusaaq aamma piiat agguanneqassapput. Matemati kimi pappiala allattuiffissaq aamma tunniunneqassaaq. Atuakkat, atortut ikiuutillu allat misilitsinnermut attuumasuteqanngitsut saqqumissanngillat.
2. "Aatsaat ilitsersuereeruma aallarteqqullusilu oqaruma suliasasi aallartissavasi." "Ilitsersuutit paasinngikkussingit aperissavassinga."	
3. "Tusarnaarluaritsi."	
4. "Maanna (kalaallit oqaasiini / qallunaat oqaasiini / tuluit oqaasiini / matematikkimi) misilitsissaasi."	Ilinniartitsisup oqaatigissavaa atuartsissummi sorlermi atuartut misilitsilernersut.

<p>5. "Tamassi piareerpisi?"</p>	<p>Atuartut tamarmik piareerpata ilinniartitsisoq ilitsersuine minik aallartissaaq.</p>
<p>6. "Tamassi misilitsissutissat saqqaanniippisi?"</p> <p>"Atuarfiup normua, atisi, inuup normusi klassersilu alla ersimapput."</p> <p>"Siullermik misilitsissutissat saqqaanni oqaatsit sorliit angerlarsimaffissinni atornerlugit krydsilissavarsi."</p> <p>"Angerlarsimaffissinni kalaallisut oqaluttarussi "Kalaallit" krydsilissavarsi. Qallunaatut oqaluttarussi "Qallunaatut" krydsilissavarsi. Marluutilugit tamaasa oqaaserigussigut "Kalaallisut qallunaatullu" krydsilissavarsi. Allamiut oqaasii atortarussigut "Allat" krydsilissavarsi."</p>	<p>Uani atuartut angerlarsimaffimminni oqaatsit atukkatik krydsilissavaat. Atuartut toqqagassat sisamat arlaat tulluortoq toqqassavaat. Marluinnik oqaasillit namminneq oqaatsiminnik krydsiliiffissaqarput.</p> <p>Atuartut ilaasa qallunaat oqaasiini misilitsikkamik qallunaat oqaasii krydsilertarpaat allallu qallunaatut oqaatsit oqaaseralugit nalunaaqutsertarpaat, naak angerlarsimaffimminni kalaallisut oqalukkaluarlutik. Taamaalioqqusaanngillat.</p> <p>Atuartut ilitsersuutikkut angerlarsimaffimminni oqaatsit atornerpaasatik nalunaaqutsissagaat.</p>
<p>7. "Tamassi krydsileereerpisi?"</p>	<p>Atuartut tamarmik krydsileereerpata ilinniartitsisoq ilitsersuinerminik ingerlaqqissaaq.</p>
<p>8. "Maanna qupperneq 3 qupperiarsiuk."</p> <p>"Ilitsersuutit qupperneq 3-miittut tamaasa atuassavakka. Tusarnaarluaritsi."</p>	<p>Atuartut tamarmik malinnaalluarnersut maluginiaruk.</p>
<p>9. "Maanna ilitsersuutit A-mi allaqqasut atuassavakka."</p> <p>"A-mut pivisi?"</p> <p><i>Ilinniartitsisup paasinartumik tulleriiaarlugit atuassavai:</i></p> <p>"Eqqissillutit issiagit."</p> <p>"Nipaarsaarit"</p> <p>"Misilitsinnermi suliasat nammeneq suliarissavatit, atuaqatitit oqaluunnagit ikiornagillu"</p> <p>- <i>matematikkimi</i> oqaasissat allaanerularput. Taakkua malinnalikkat.</p>	<p>Atuartut tamarmik malinnaanersut paasinnersullu qulaqarsimaniaruk.</p> <p><i>Matematikkimi:</i></p> <p>Atuartut kalaallisut oqaasillit misiliut kalaallisut oqaasertlik atussavaat, qallunaatut oqaasillit qallunaatut oqaasertlik atussallugu.</p> <p>Atuartut matematikkimi suliasatik aallartereerlugit taaguutit/apeqqutit nalornigunikit soorunami oqaatsit suliasat arlaanniittut aamma takusinnaavaat.</p> <p>Taamaattoq kalaallisooq imaluunniit qallunaatooq kisiat akissuteqarfigissavaat.</p>
<p>10. "Maanna ilitsersuutit B-mi allaqqasut atuassavakka."</p> <p>"B-mut periaritsi."</p> <p><i>Ilinniartitsisup paasinartumik tulleriiaarlugit atuassavai:</i></p> <p>"Aqerluusaq piiaallu atussavatit."</p>	<p>Atuartut tamarmik malinnaanersut paasinnersullu qulaqarsimaniaruk.</p>

<p><i>Matematikkimi:</i> ”Aqerluusaq, pīaat pappialalu allattuif saq atussavatit.”</p>	<p><i>Matematikkimi</i> pappiala naatsorsorallakkanut atugassiaq atorsinnaavaat, taamaalereerunillu inerneq pissarsiartik misiliutini allallugu.</p>
<p>11. ”Maanna ilitsersuutit C-mi allaqqasut atuassavakka.”</p> <p>”Ilissi suli malinnaassaasi.” ”C-mut pereerpisi?”</p> <p><i>Ilinniartitsisup paasinartumik tulleriiaarlugit atuassavai:</i></p> <p>“Apeqqutit atuarluaqqaartakkit.” “Eqqarsarluaqqaarlutit akigit.” “Apeqqut akisinnaangikkukku tullianut ingerlaqqigit.” “Akinngisatit uterfigisinnaavatit.”</p>	<p>Atuartut tamarmik malinnaanersut paasinninersullu qula keersimaniaruk.</p> <p>Atuartup suliassat naagunigit sulilu piffissaqarpat suliani uterfigisinnaavai akissutinilu misissoqqillugit imaluunniit qaangiinnakkani akisinnaallugit.</p>
<p>12. ”Maanna ilitsersuutit D-mi allaqqasut atuassavakka.”</p> <p>“Suli ilissi malinnaassaasi.”</p> <p>“D-mut pereerpisi?”</p> <p><i>Ilinniartitsisup paasinartumik tulleriiaarlugit atuassavai:</i></p> <p>“Misilitsinneq 45 minutsinik sivissuseqarpoq.” “Naammassiguit issiaannarit.”</p>	<p>Atuartut tamarmik malinnaanersut paasinninersullu qula keersimaniaruk.</p> <p>Oqaatsinik atuartitsiviusuni atuartut suliassaanni quppernermi kingullermi misilitsissutaanngitsumik suliassaarpoq piffissap sinnerani sammineqarsinnaasumik. Matematikkimi atuartut suliassaanni quppernermi kingullermi suliassamik taamaattumik peqanngilaq. Matematikkimi ilinniartitsisup atuartut naammassiaartut suliassinnaavai, suliassiissulli misilitsissutaas-sanngilaq.</p>
<p>13. ”Maanna E-mi ilitsersuut takusiuk.”</p> <p>“E-mut pereerpisi?”</p> <p><i>Ilinniartitsisup atuassavaa:</i></p> <p>”Imatut krydsiliissaatit:”</p> <p>- <i>matematikkimi:</i> “Akigaangavit imatut krydsiliissaatit” – aamma “Akissutit ilaat nammineq allassavatit”</p>	<p>Ilinniartitsisup nassuiassavaa, atuartut akisigaangamik qanoq krydsiliissanersut.</p> <p>Atuartoq kukkulluni krydsiliiguni krydsilikkanani aqerluusamik titassavaa, taamaalioreerunilu eqqortuutitani krydsilerlugu.</p> <p>Akissut eqqortoq ersarissumik nalunaaqutsersimassaaq.</p>
<p>14. ”Maanna ilitsersuutit tamaasa atuareerpakka.”</p> <p>”Tamaasa paasivisigit? Paasinngisaqarussi aperissasi.”</p> <p>”Misilitsillusi aallartilerpusi.”</p> <p>”Piffissaq suli naanngitsoq suliassat naammassissagussigit issiaannassaasi.”</p> <p>”Suliarisimasasi misissoqqissinnaavasi kukkusorisilu iluarsillugit imaluunniit siullermeerassi suliarinngisani suliarisinnaavasi.”</p>	<p>Atuartut tamarmik malinnaanersut paasinninersullu qula keersimaniaruk.</p>

<p>”Tamaasa naammassisimagussigit suliassaq qupperneq kingullermiittoq sularisinnaavarsi.”</p> <p>”Uninnissassinut minutsit tallimaannanngorpata oqarumaarpunga.”</p> <p>”Piareerpsi?”</p>	<p>Matematikkimi suliassamik taamaattumik peqanngimmat atuartut misilitsissutaanngitsumik suliassissinnaavatit.</p>
<p>15. ”Qupperneq 4 tamassi quppersiuk.”</p> <p><i>Piareerpata ilinniartitsisoq oqassaaq:</i></p> <p>”Aallartiinnarsinnaavusi.”</p>	<p>Atuartut tamarmik qupperneq 4 quppissavaat. Taamaalinerani minutsit siulliit qulit ingerlasimassapput.</p> <p>Ilinniartitsisup nalunaaqutaq aallartiffik allassavaa.</p> <p>Piffissamit tassanngaaniit misilitsinneq 45 minutsinik si-visussuseqassaaq.</p>
<p>Naammassinermi:</p>	
<p>16. ”Uninnissassinut minutsit tallimaannanngorput.”</p>	<p>Minutsit 40-it ingerlareerpata ilinniartitsisup naammassin saannut minutsit tallimaannanngornerat ilisimatitsissutigisavaa.</p>
<p>17. ”Piffissaq tassa naavoq.”</p> <p>”Misilitsissutisi tamaasa tigussavakka.”</p> <p>”Qujanaq.”</p>	<p>Minutsit 45-t ingerlareerpata ilinniartitsisup misilitsinneq tamaat unitsissavaa atuartullu misilitsissutaat katersorlugit.</p>

Eqqaamajuk:

Misilitsinneq naammassippat atuartut suliaat, naqitaq atuartitsissutini inernernik allattuiffik/facitliste atorlugu misissorneqartussaapput. Taamaalioruit misilitsinnermi atuartut ilikkagassatut anguniagassat sorliit naammaginartumik sorliillu naammaginanninnerusumik sularisimagaat paasisaqarfigilluassavat.

Naatsorsuut elektroniskiusoq atuarfiup pisortaanit pinsinnaavat, atuartut suliaannik misissuininni atorsinnaasat. Naatsorsuut alloriarfiup naammassinerani atuartunut nalunaarusiuleruit atuarnerminnilu ingerlariaqqinnissaannik pilersaarusiuleruit iluaqutigilluarsinnaavat. Naatsorsuut didaktikkimik suliaqarninni aamma atorluarsinnaavat.

Naatsorsuut ilitsersuutitaa ilanngullugu mail aqutigalugu atuarfiup pisortaanut Ilinniartitaanermut Aqutsisoqarfimmit martsimi nassiunneqartarpoq.

Naatsorsuut atuartut ataasiakkaat pillugit paasissutissanik imaqarmat susassaqqanngitsunut siaruarternegassanngilaq. Naatsorsuut atoreerukku atuarfiup allaffiani isumannaatsumik paarineqassaaq, kingusinnerusukkulli atoqqissinnaavat.